

GARIS PANDUAN DAN SYARAT-SYARAT PERMOHONAN LESEN IKLAN TIANG LAMPU

Permohonan hendaklah dikemukakan melalui **Borang Permohonan**.

Dokumen Permohonan

- 1 salinan pendaftaran syarikat/perniagaan/pertubuhan (Borang 9 dan 49 atau Borang D beserta maklumat perniagaan dan pemilik)
- 1 salinan kad pengenalan pemohon
- 1 contoh visual berwarna berserta saiz ukuran setiap perkataan.
- Visual hendaklah mendapat pengesahan Bahasa Melayu yang betul daripada Dewan Bahasa dan Pustaka.
- Salinan lesen premis perniagaan (jika berkaitan)
- Surat kebenaran pemilik konsesi jalan (jika berkaitan)
- Borang permohonan hendaklah dikemukakan ke Jabatan Pelesenan Dewan Bandaraya Kuala Lumpur 14 hari sebelum tarikh pemasangan.

Syarat-Syarat Kelulusan

- Visual hendaklah mengutamakan penggunaan Bahasa Malaysia yang betul samada dari segi saiz, warna dan kedudukannya.
- Saiz ukuran iklan adalah 2' X 6' dan saiz yang telah ditetapkan mengikut tempat pemasangan/bracket.
- Permohonan iklan tiang lampu dipertimbangkan tertakluk kepada kekosongan jalan, kesesuaian lokasi dan

visual serta tidak melibatkan jalan protokol.

- Pemasangan iklan tiang lampu di jalan-jalan utama diberi keutamaan kepada acara rasmi kerajaan.
- Visual yang mengiklankan minuman keras, rokok, gambar yang menjolok mata/tata kelakuan yang kurang sopan/lucah dan petunjuk arah tidak dibenarkan.

Syarat-Syarat Lesen

- Fee lesen dikira atas asa bulan ke bulan. Sebahagian bulan dikira sebagai satu bulan.
- Menjelaskan bayaran lesen dan cagaran dalam tempoh 14 hari dari tarikh surat kelulusan.
- Menggunakan pelekat atau 'sticker' yang dikhaskan apabila pelekat siap untuk diguna pakai.
- Mencatat nombor rujukan lesen dan tarikh tempoh kelulusan di sebelah bawah kiri iklan tiang lampu.
- Mencatat nama syarikat/pemilik di sebelah bawah kanan iklan tiang lampu.
- Iklan tiang lampu hendaklah dipasang di lokasi yang diluluskan sahaja.

- Iklan yang hendak dipasang hendaklah mempunyai ketinggian 5 kaki dari paras bumi. Iklan hendaklah diikat kemas pada kedua-dua belah pangkal dan hujung.
- Iklan hendaklah dipasang di tiang-tiang lampu jalan yang diluluskan sahaja.
- Iklan tidak dibenarkan dipasang secara bertingkat-tingkat pada tiang lampu.
- Iklan hendaklah dipasang berselang seli (1) tiang lampu.
- Iklan tidak dibenarkan dipasang pada tiang lampu pertama di persimpangan lampu isyarat.
- Iklan tidak dibenarkan dipasang pada tiang lampu isyarat lalu lintas dan tiang lampu antik.
- Pemohon hendaklah memastikan semua iklan tiang lampu yang dipasang berada dalam keadaan baik, kemas dan selamat selama tempoh lesen diluluskan.
- Sebarang pertukaran visual dalam tempoh lesen yang sah mestilah mendapat kelulusan daripada Jabatan Pelesenan Dewan Bandaraya Kuala Lumpur.
- Tempoh kelulusan maksima lesen iklan tiang lampu adalah selama 1 bulan. Jika ada permohonan untuk lanjutan tempoh, pertimbangan akan dibuat bergantung kepada 'merit'/kesesuaian semasa dan keadaan iklan tiang lampu.
- Semasa memasang iklan tiang lampu, pemohon tidak dibenarkan menggunakan tangga yang

- disendeng/sandar pada tiang lampu.
- Pemohon hendaklah memasang iklan tiang lampu berdasarkan jumlah yang diluluskan sahaja.
- Iklan tiang lampu hendaklah dipamerkan pada tiang lampu yang telah disediakan tempat khas atau 'bracket'
- Pemohon hendaklah menurunkan iklan tiang lampu sebaik sahaja tamat tempoh lesen.
- Dewan Bandaraya Kuala Lumpur berhak menuntut kos penurunan dari pemohon sebanyak RM 20.00 bagi setiap satu unit iklan yang diturunkan sekiranya pemohon melanggar syarat-syarat yang ditetapkan. Sekiranya gagal, tuntutan kos akan dipotong melalui wang cagaran.
- Dewan Bandaraya Kuala Lumpur berhak membatalkan lesen, menurunkan iklan dan mengenakan tindakan undang-undang sekiranya melanggar syarat-syarat pelesenan atau mendapat bantahan dari orang awam.
- Semua kelulusan pemasangan iklan tiang lampu tertakluk kepada peruntukan-peruntukan dan Undang-Undang Kecil Iklan (Wilayah Persekutuan) 1982 dan pindaannya.



CONTOH IKLAN TIANG LAMPU

